


Ndang parsahiton, ndang adong parsirangan, ndang adong pananomon. Sasude na di Surgo marlas roha na manongtong rap dohot Debata.




19

Apala na dumenggan sian sude, ia adong pe Surgo i ima asa boi masuk tusi angka baaa dohot boruboru na porsea di Jesus Kristus, Sipalua, jala mangoloi Ibana gabe Tuhan nasida.




20

Di Banua Ginjang adong do buku na ginoaran Buku Hangoluan ni Birubiru. Gok do disi goar ni jolma. Diboto ho do angka goar ni ise tarsurat disi? Sude jolma na porsea di Jesus. Adong do goarMu disi?




21

Hata na parpudi di Bibel taringot tu Surgo, ima gokhon na mansai uli.




22

Banua Ginjang (Surgo), Huta Nauli ni Debata



"Jadi didok Tondi dohot oroa i ma: Ro ma Ho! Laos dohonon ni na umbegesa: Ro ma ho! Sai ro ma na mauas; dijalo ma giot roha i ma aek hangoluan i, dalam basabasa!"



23

Banua Ginjang (Surgo), Huta Nauli ni Debata

Dapot do sada barita sian hata ni Debata,

ima Bibel,

Johannes 14, 2 Korint 5,
Pangungkapon 4, 21, 22

"Pangungkapon di angka hataMi do patiuarnidaan." Psalmen 119:130

Sinurathon ni: Edward Hughes
Ilustrasi sian: Lazarus

Nihatabatakxon ni: Marihot Siahaan
Sinadur ni: Sarah S.

Story 60 of 60

M1914.org

Bible for Children, PO Box 3, Winnipeg MB R3C 2G1 Canada

Ijin: Manang ise pe, boi do mamotokopi manang pagandahon cerita on, asal ma unang digadis.

Diboto Debata do naung taulahon na roa, ima nidokna dosa. Hamatean do uhum ni dosa.

Mansai holong do roha ni Debata tu hita, i do umbahen ditongos AnakNa, Jesus, mate tarsilang laho manggarar uhum na tu hita. Mangolu do muse Jesus jala mulak Ibana muse tu Banua Ginjang! Nuaeng, boi do disesa Debata angka dosanta.

Molo olo do ho maninggalthon dosam, dok ma songon on tu Debata: O Debata, porsea do ahu di Jesus naung mate ala ni ahu, jala naung mulak mangolu i. Ro ma Ho tu bagasan ngolungku jala sesa ma nasa dosangku, asa dapot ahu ngolu na imbaru, jala rap dohot Ho ahu ro di salelengna. Urupi ma ahu mangolu di Ho songon anakxonMu. Amen.
Johannes 3:16

Jaha ma Bibel i jala manghatai ho dohot Debata ganup ari.

Batak Toba

Di tingki di tano on dope Jesus nunga dipaboa tu angka siseanNa taringot tu Banua Ginjang. Didok Ibana ma i "Bagas ni AmangKu", jala didok adong godang inganan disisi. Sada inganan na balga, huta na uli. Umbalga jala ummuli do



Banua Ginjang sian huta di tano on.

1

Didok Jesus ma, "Na laho ma Ahu paradehon inganan di hamu. Jala molo laho ahu jala huparade inganan di hamu, ro do Ahu muse jala jaloonku ma hamu tu diringKu."




2

Laho ma Jesus tu Banua Ginjang, dung hehe Ibana sian hamatean. Di tingki pungu angka siseanNa i, tarhinsat ma Jesus, jala diboan ombun ma Ibana onding sian mata nasida.



3


Dung i, nunga diingot halak Kristen janji ni Jesus, na ro do Ibana muse mangalap nasida. Didok Jesus, tompu do Ibana ro muse, di tingki so panagaman. Alai boha do taringot tu halak Kristen naung monding andorang so ro dope Ibana? Bibel mandok, laos rap dohot Jesus nama nasida laho. Nandang ro di bagasan



daging lapatanna ro raphon Tuhan i.


4

Pangungkapon, i ma buku na parpudi Bibel, pabotohon tu hita hinauli ni Banua Ginjang. Apala na andul ummuli i, Banua Ginjang do huta ni Debata. Adong do nian Debata di sude inganan, alai anggo habangsaNa I ma di Banua Ginjang.




5

Surusuran dohot parangan parbanua ginjang mamuji Debata di Banua Ginjang. Songon i ma dibahen angka bangso ni Debata angka naung mate jala naung laho tu Banua Ginjang. Nasida mangendehon angka ende pujipujian tu Debata.




6

On ma hata ni sada ende na niendehon nasida: AI NAUNG TARBUNU DO HO JALA MARHITE MUDARMU DITOBUS HO DO TU DEBATA JOLMA SIAN SALUHUT MARGA, HATA, HOUM DOHOT BANGSO.




7

JALA DIJADIHON HO DO NASIDA GABE HARAJAON HAMULIAON NI DEBATA. (Wahyu 5:9-10)




8

Apala halaman na parpudi sian Bibel manggambarhon Banua Ginjang songon "Jerusalem Na Imbaru". Tung mansai balga, jala marparik na timbo do i di duru. Parikna i sian batu na uli, na marhillong.



9

Angka intan dohot batu na arga mangalapis dasar ni parik i, rupana marhillong jala uli. Ganup harbangan dibahen sian mutiara tunggal na balga.




10

Angka harbangan na sian mutiara i ndang hea martutup. Beta hita masuk tu bagasan jala taida humaliang...O uli ni! Ummuli muse dope surgo i di bagasan. Dibahen do huta i sian mas tulen, songon galas na tio. Gari dalam pe dibahen sian mas.




11

Sada sunge na uli jala na tio sian aek hangoluan mabaor sian habangsa ni Debata. Di bariba ni aek i adong do hau hangoluan, i ma na adong di mulana i di Porlak Eden. Mansai andul do hau i. Marparbuehon sampulu dua ragam na marasing, songon ragam ni ganup bulan. Jala bulung ni hau hangoluan i gabe pandaoni ni ganup bangso.




12

Nandang porlu be di Banua Ginjang mata ni ari manang bulan laho manondangi. Hamuliaon ni Debata do manggohis dohot sinondang na tung mansai tiur. Nandang adong be borngin disi.




13

Gari angka binatang na di Banua Ginjang i nunga asing. Sasudena jinak jala maraleale. Sorigala dohot birubiru rap manggagat. Gari singa manganhon durame songon lombu. Ninna Tuhan i, "Nandang masiharatan jala ndang masibunuan be nasida di angka dolok habadiaonKu."




14

Dung taida humaliang, taida ma adong do na mago sian Banua Ginjang. Nandang adong be hata muruk begeon. Nandang adong na marbada manang na holan manarihon dirina.



15

Nandang adong be kunci di angka pintu, ala ndang adong panangko di Banua Ginjang. Nandang adong pargabus, pamunu, partondung, manang angka parjahat na asing. Nandang adong be dosa di Surgo i.



16

Di Banua Ginjang, rap dohot Debata ndang adong be iluili. Sipata, joujou do bangso ni Debata ala borat ni sitaonon di ngolu on. Di Banua Ginjang diapusi Debata do nasa ilu.



17

Nandang adong be nang hamatean di Surgo. Manongtong ma bangso ni Debata rap dohot Tuhan i. Nandang adong be sitaonon, ndang adong partangison, ndang na hansitan.



18